

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Pandectae Veteris Et Novi Testamenti Historicae

Draud, Georg

Francofurti ad Moenum, 1613

Dvodenarivs tertivs

[urn:nbn:de:bsz:31-162406](https://nbn-resolving.org/urn:nbn:de:bsz:31-162406)



DVODENARIVS TERTIVS,

DE DVODECIM IMPIIS Hebræorum Regibus.

DE HIEROBOA REGE I. *impio.*



HIEROBOAS primus Rex Israelitarum natione Euphrateus ex Sareda, filius Nabathi, ex serua matre procreatus, à patre puer relictus, ob egregiam indolem indulgenter apud Solomonem primo habitus, mox murorum operi est præfectus, in quo muare obeundo cum haud modicum industriæ specimè edidisset, rex in homine virtutem complexus, præfecturam illi amplissimam in tribu Iosephi dicit. Ferox igitur iuuenis elato animo enixus est plures tribus sollicitare ad regnum Solomoni abrogandum, fretus & vaticinio prophetæ Achiz, qui egrediens

○ 5 diens

dienti ad agrum obuiam progressus, vt Solomonis impietas puniretur, tali schemate magnam spem regni illi fecit: Scidit nouum pallium quo fuerat indutus in duodecim partes, vnde data Hierobæ optione, vt ex eo numero, quas vellet decem eligeret, futurum denunciât, quia Solomon grauitèr deliquisset, vt breui eius regnum non aliter, quam pallium illud plurifariam scinderetur, quarum duæ duntaxat eius filio, propter Davidis summum in pietatem studium collatæ sunt, Cæterarum imperium ei Numinis prouidentia celsurum. His ille confusus, quum primum ad exercitum venit, res nouas haud obscure moliri cœpit, conatus eo multitudinem pellere, vt imperio Solomoni abrogato, in se rei summam transferret. Sed fatale tempus nondum aderat.

Noua hæc consilia ad Regem delata ingentem ei curam iniecerunt, de authore tentatæ defectionis opprimendo. Hieroboas haud ignarus se in Iudæa haud posse tutum esse amplius in Ægyptum ad Selaichum regem transfugit, nec longo deinde reuoluto tempore, cū Solomon defunctus esset, ex Ægypto reuocatus, regnum sponte ab Israelitis oblatum nactus est, dum enima Roboas filius Salomonis grauius quam parens, subditos opprimeret, facta est imperii Hebraici hoc pacto diuisio. Nam decem tribuum Hieroboas curam habuit,

buit, duarum vero Roboas, idque circiter quater, millesimum ac ducentefimum quintum mundanæ originis annum.

Cæterum Hieroboas regni administrati-
onem adeptus, primo visus est eximia pietatis,
post scelestissimus euasit Idololatra. Is enim
primus populum in summam Idololatriam, &
statuarum cultum detrusit. Nam in Sycy-
mensi conuentu rex creatus, cum forte Sce-
nopejæ instaret festum, veritus, ne populus
religionis causa Hierosolymam frequens adi-
ret, ibique plurimum dierum commertio à se
alienaretur. Duo igitur vitulina specie simula-
cra ex auro conflata erexit.

Horum vnum in Bethelæ loco celebri, alte-
rum circa Danem consecrauit, multitudine-
que ad concionem vocata, vt erat vir pruden-
tissimus, & fingendi dolos mirus & summus
artifex, populo persuasit, ne Hierosolymam ad
sacra celebranda se conferrent: sed duo templa
in quibus aurea vituli effigie signa constitui-
set, velut aras quasdam Deo sacratas, obserua-
rent, ritum Leuitarum & sacrorum ministro-
rum eundem se retenturum, quem & Hiero-
solymitani, affirmavit. Authoritate & soler-
tissimis verbis, quibus pollebar, traxit stultam
multitudinem in suam sententiam. Hinc
misera genti, sensim à vera religione auersæ,
omnium malorum, quæ postea secuta, caput,
& origo perenniter existit.

Adpro-

Adpropinquantibus igitur Scenopeiis Hiero-
boas Betholem profectus, ipse ponifex ad id
creatus, cum sacerdotibus sacra inchoaturus,
astitit aris, erantque hostiæ iam altari ad mota:
cum Iadan Propheta, quasi Numinis eaducea-
tor affuit, regemque affatus, primo sacra in-
hibet prophano ritu inchoati, quibus nisi ab-
stinet, fore obnunciat, vt ex Dauidico genere,
Iosias prognatus, sacerdotes ad aras ipsas, quã-
doque crudeliter obruncet, impiorumq; ossa
(quod & factum est Iosia probissimi regis tem-
pore) exsturus sit. Quam oraculi speciem, ne
vanam arbitrentur adicit, fore aram illam
sponte sua in duas esse rupturam partes, vt quid-
quid esset illi congestum, sœde humi diffun-
deretur. Nec oraculo fides defuit, quin repen-
te miraculum est conspectum, ara in duas par-
tes diuisa, omnem sacrorum apparatus, velut
ingratum, discussit. Secutum & aliud porten-
tum, Regis dextera, quam in Prophetam vio-
lenter intenderat, subito languore obtorpuit
& contabuit. Cæterum Iadan vates precibus
regis sollicitatus, pristinam illi valetudinem à
Numine impetrauit.

Interea Roboas rex Iudæ defunctus, filium
Abiam iuenculum ad regnum gubernandum
reliquit. Quem Hieroboas terribili bellorum
apparatu est adortus. Sæ impietatis hominem
furis agebant in omne celus præcipitè, quip-
pe præter Iadanis minacissimum responsum,

per

per Achiam quoq; prophetam, ad quem vxor ignoto habitu de salute filii grauiter agrotantis sciscitatum Silonem profecta, responsum accepit, fore, quoniam à veri Dei cultu deflexisset, vt grauissima vltio omnem eius progeniem sequeretur, his terrificis Prophetarum dictis, non modo ille non aliquid ex præfenti impietate remisit, sed tam graui etiam, quam nefario bello Iudaicum nomen implicuit. Putant causam belli præcipuam extitisse, vt Abias sede parerna depulsa, solus ad gubernandum Iudeorum imperium admitteretur. Ad Amorræorum montem cum octoginta millibus hominum tumultuose dimicaturus, conscendit. Verum nec Abias in re tam trepida desedit, quin ex probato impio cultu, & scelerum cumulo, Hieroboam cum exercitu fudit, atque talem se præbuit victorem, vt circiter quinquaginta milia ex Hieroboam copiis desiderarentur. Hieroboam rebus vno prælio sed calamitosissimo fractis aduersus regem Iudæ pugnare desit. Dies autem quibus regnavit, viginti duo fuerunt anni. Et percussit illum Dominus vt moreretur. Rex fuit deploratæ impietatis. Vnde quoties literæ sacræ regem quendam impium appellant, Hieroboam dicunt secutum vestigia. Impietatis suæ inexpiabilem pœnam is & eius posterum grauius inuerunt.

DE

DE HIEROBOA,
EPIGRAMMA.

*Hieroboan primum Solomon nutrit in Aula,
Indolis egregie cum bona signa daret,
Vestit, at postquam malas lanugo tenellas
Euaſit princeps regius ille domus.
Hic primus bis quinq; tribus, quibus imperitabas
A veri abduxit religionem Dei.
Aurea conficiens specie vituli simulacra
Iras incurrit Numinis ille graues.*

DE ROBOAMO, II. IM-
pio Rege.

DAuidis nepos Roboamus. (Rehabeam legunt alii) filius Solomonis, patre defuncto gubernandi potestatem iniiit annos natus quadraginta vnum, matrem habuit Naamané Amanitidem. Israelitarum tribus multo libentius illum, quam nouum aliquem hominē ob auitam recentemq; patris memoriam regem dixissent nisi duriorē, ac iuuenem decebat, se præbuiſſet. Petitum erat ab eo publico nomine, si cuperet imperium obtinere, vt aliquid de seruitio, quod sub patre populus per graue tulerat, remitteret, daret que operam, vt facilem, moderatamq; administrationem omnibus exhiberet: tum futurum ipsum subditis dilectissimum. Nemo erat, qui hæc postulata Roboam

boam recusaturū fuisset, arbitratus. Verum is longe aliter egit. Cum enim tridnū petiisset ad deliberandum, quid se populo p̄stare oporteret, confestim vox illa parum popularis auertit hominum studia à rerum p̄senti statu. Ipse senioribus consilio adhibitis domesticè consultare cœpit, an quæ multitudo petiisset, recusari deceret. Cum nemo dissuaderet seniorum, sed facile concedendum, sic studium & amorem populi vltro sibi conciliaturum. Is iuniorum & sibi æqualium vsus pariter consilio, qui diuersum suaserè, vociferantes, nimio ocio & regis indulgentia populum pessundari, proinde se Solomonis filium Davidisque nepotem ostenderet, ac multitudini diceret. non ei rem cum puero futuram, cui tam insolenter velut leges p̄scribere aua fuisset, sed cum fortissimo Rege, ex regiaque posteritate prognato, non se latere quibus artibus multitudo esset compescenda: & quod ad inuictum animum, firmamque constantiam attinet, velle eos non ignorare, plus vni suo digito roboris inesse quam paternis lumbis, lateribusque. Proinde non opus esse, vt se indulgentiorem patre sperarent, parentem quidem cecidisse eos flagellis, se vero flagellaturum scorpionibus. Hac ferocia, quum, quod optimum erat & tempori magis idoneum, repudiasset à plerisque conuocata concionis reclamatum est, nihil sibi futurum, amplius cum Davidis

proge-

progenie, sed alium esse eligendum regem, maximis clamoribus tumultuatum est. Roboas exitum causæ haud feliciter cessurum agnoscentes laeuientem multitudinem per Adoran, cuius opera in exigendis tributis præcipue utebatur, ad officium & concordiam reuocare conatus est. Tantum vero absuit, ut id obtinuerit, ut etiam Adoras lenibus verbis populi iram castigaturus confestim sit lapidibus obrutus. Cuius casu territus Roboamus in curram trepide sublatus irrequieto cursu Hierosolymam petiit, ubi Beniamini tantum & Iudæ eum regem dixerunt. Cæteræ tribus magno omnium consensu Hieroboam Regem declararunt, atque ita factum, ut duo iam inde reges in Iudæa fuerint, atque ex vna quæ fuerat, sint velut duæ Israelitarum gentes factæ. Roboas delectu ex gemina sua tribu habito accuratissime, ad centum octoginta millia hominum instruxit ad bellum, ut regnum ex manibus Hieroboæ repetiturus, fuissetque id bellum haud dubie cruentum. Cæterum oraculo Roboas per Prophetam Semeiam monitus, abstinendum à bello esse, eam populi adfectionem ad diuinam prouidentiam referri oportere, cui repugnare sit impossibile. His illæ destinato bello abstinit.

Interea omni recuperandi regni actione deposita, ut suarum partium opes firmiores redderet, plures condidit intra fines suos vrbes,

bes, Bethalem, Tecos, Bethsuram, Odollam,
 Sochum, Meresam, Nipam, Adoram, & alias
 plures. Ioachim vero, Zechetâ, Hellum, He-
 bronemque instaurauit, munitisque illis dedit
 principes, & horrea illuc condidit. Præterea
 singulis vrbibus fecit sua armamentaria scu-
 torum, & hastarum, firmavitque illas summa
 diligentia, multique mortales antiquæ pieta-
 tis ab Hieroboa Hierosolymam perfugerunt.
 Quo factum, vt triennio, quo Roboas mode-
 ratus regnauit, supra modum res eius regni
 creuerint. Sed præsens rerum successus atque
 effrenata libido ipsum quoque, vt patrem, à
 vera pietate & religione in diuersum abstraxe-
 runt. Deuinxit is sibi duodeuiginti fœminas
 matrimonio, quarum præcipue fuerunt, Maa-
 lachi filia Hierimoth, filia Davidis Abiaï, filia
 Heliabi, filii Isai, patris Davidis, quæ peperit fi-
 lios Ieos, Sommoriam, & Soonë, & in his Maa-
 cham sibi coniunxit ex Abtalone genitam for-
 mosissimam, quæ peperit illi Abiam, Echai,
 Zizam, & Salumith. Nec tam vario conaubio
 contentus pellicibus est triginta vsus. Quo fa-
 ctum, vt virilis stirpis filios octo & viginti pro-
 genuerit, filias sexaginta. Sed sic solet plerum-
 que euenire, qualis sit rex, talis, & sine dubio,
 plebs. Roboæ vita spurcissimis libidinib. pro-
 fligata, cum eo mox reliqua multitudo in om-
 ne nefas & scelus abiit. Cæterum secuta est
 diuina vltio. Sesachus enim Ægyptiorum Rex
 P quinto

quinto anno eius imperii, cum sexaginta milibus peditum, equitum quadringentis, curibus ad bellum instructis mille & amplius, Roboæ, regnum ingressus primo occurſu vrbes Hierosolymæ circumiectas cepit; regiz post vrbi copias admonit. Tunc Rex & alii fauore Numinis destituti diutina obsidione fracti tandem animo, omniq; spe futuri accessus abiecta, certis conditionibus hostem intra muros exciunt. Tum Sesachus fœdera aspernatus omnibus sacris thesauris tēplum Domini spoliat, regizque domui clypeos & hastas aureas ademit. Roboas vt faciē cladis illius domesticæ refarciret pro aureis hastis & clypeis, pari numero arē factas reposuit. Semeias vates Roboæ dixerat, à numine monitus, extinguendos funditus omnes, ne vllus superesset, verū postquam pœnitentiam egisset, cum suis liber iterum euasit ex manibus Sesachi. Vixit Roboas plures inde annos, homo omnibus ingratus, & omnis pietatis atrocissimus osor, periit annos natus octo & quinquaginta, cum septendecim regnasset, omnibus flagitiis & infamiæ obnoxius, Sepultus est Hierosolymis.

DE ROBOA,
EPIGRAMMA.

*Hoc Solomon monstrum genuit, populator honesti
Qui fuit, euersens omnia iura Dei.*

DE

DE NADABO, III. IM- pio Rege.

Nadabus filius Heroboꝝ, diræ superstitionis rex fuit, regnavit anno mundi 2993 ritum paternum complexus, tam impie, atque pater res Samariæ administrauit. Nec felicius quam ille Palæstinis bellum intulit. Imperii gubernationem ingressus est anno secundo Azæ Regis Iudæ. Gebethum urbem Philistarum magna cinxit obsidione cum vniverso Israele. Tandem susceptus fraudulentò hospitio à Baesa, æmulo ipsius, insidiis hospitis percussus est. Sicque in hoc Nadabo stirps & regnum Hieroboꝝ desit, vti per prophetam Achiam Deus perfido Hieroboꝝ fuerat minatus, de posteritate eius penitus extirpanda, Duobus tantum annis Rex præfuerat Israeli-
tis, cum infeliciter vitam finiret.

DE NADABO,

EPIGRAMMA,

*Criminibus variis Nadabus commaculatus
Insani fecit crimina multa patris.
Imperium postquam rexisset pene duobus
Annis, insidiis casus in hospitio.*

P 2 DE

DUODENARIUS III.
DE BAASA, REGE III.
impio.

BAaſas inſidioſe Nadabum regem interi-
mens, rerum & imperii potitus eſt, filius
Ahiæ, ex tribu Iſaſcharis infima natus ſorte,
diuina clementia ad imperium euectus regna-
uit anno mundi 2993. Hic omnem Hieroboæ
progeniem crudeliter extinxit. Quod ad vitæ
conditionem attinet, neq; Hieroboæ, neq; eius
filio impietate & ſæuitia inferior fuit. Rama-
tham urbem cepit, captamque ad deſtinatum
hoſtem bello laceſſendum valido præſidio fir-
mauit. Aza rex Iudæ haud ignarus bellicæ ma-
chinæ per regem Damascenum faciliſime pro-
curauit, vt à Ramathina munitione abſtineret.
Quiſiuit ergo Baafas à munitionibus firman-
dis, intra fines ſuos ſe cõtinent. Quem Hiehu
prophetes filius Anani, ſimiliter vt Hierobo-
am, propter impietatem corripuit, acerrime
monitus oraculo. Poſtquam enim Hieroboæ
peccatis inhæſerat, idẽ iudicium, quod de Hiero-
boæ, de illo deciſum eſt, nimirum quod po-
ſteritas Baafæ mortua in ciuitate, deuoranda
ſit à canibus, quæ vero in campo, à volueribus
cæli. Cæterum is (vt indurati plerique ſolent)
vatis admonitionem paruipendit, imo perti-
naciffime reclamando vatem interfecit. Qua-
re omnia quæ vaticinatus fuerat, poſtea in eius
progenie completa reperiuntur. Theſæ vixit,
&

& quatuor viginti annos obtinuit imperium.
 Quo ad vixit; more Hieroboꝝ sacrificauit au-
 reis vitulis. Quidam, illum vicissim vt anteces-
 sorem occiderat, ita illum quoque per Creom-
 en domesticis insidijs obruncatum ferunt,
 Thersa sepultus est.

DE BAASA,

EPIGRAMMA,

*Hieroboa penitus prolem pietate sinistra
 Vixentem extinxit, nec pius ille fuit.
 Cuius progenies tali ratione perempta est,
 Hieroboa quali fecerat ille gregi.*

DE HELA, REGE V.
 impio.

NON inferior flagitijs & omni vitiorum
 genere fuisse legitur. Regnauit anno mū-
 di 3016. vino deditissimus erat, patri in regno
 successit anno vicefimo sexto regis Iudæ Azz.
 Et tantum biennium regia maicestate Thersa
 functus. Hunc Zambri equitum Præfectus
 minister eius potantem & temulentum in edi-
 bus Arsa præfecti apud Thersam occidit, an-
 no vicefimo septimo Regis Azz Iudæ. Ac ne
 quid ad occupandum regnum sibi moræ sit,
 post Regis eadem, omnes ex Baasa domo ad v-

num sustulit. Quod futurum Propheta multe
ante dixerat.

DE HELA,

EPIGRAMMA,

*Inferior vitis vixit non iste parente
Dum potu sequitur te fere Bacche perit.*

DE AMRI VI. IMPIO
Rege.

HELA Regis Israelitarum cæde ad exercitū
perlata, apud Gebethum, ingens mili-
tum animos cepit indignatio, Amrique sibi
Duce designato, vlciscēdi sceleris studio con-
festim motis castris iin Zambri regiæ cædis
authorem tendunt. Erat tum ille Thersæ. Cæ-
terum se ipsum interimens seditio inter mili-
tes propter Amri & alium quendam Thema-
nem orta est, vter succederet. Alii Themanem
elegerant, verum militari seditione illo inter-
fecto, Amri Rex est salutatus qui duode-
cim annos rerum potitus. Anno mundi 3020.
regnauit Samariæ, nihilo fuit in populum mi-
rior quam cæteri, pietatis & religionis hostis
iuratus. In omnibus peccatis vixit Hieroboæ,
neque quicquam laudabile fecit, nisi quod
montem emit Samariæ à Somer duobus tal-
entis argenteis, & condidit ibi cinitatem,

eam.

eamque Somer nuncupavit. Ædificavit etiam
Samariam, & propter loci oportunitatem, au-
lam & dominium in eam transtulit. Genuit
Achabum tyrannum immanissimum, Mortu-
us est Samariæ, vbi tumulo conditus iacet.

DE AMRI,

EPIGRAMMA,

*Flagitis vita multis fuit obrutus Amri
Militibus lectus rex fuit ipse suis.*

DE OCHOZIA, REGE VII.
impio.

Ochozias filius Achabi, nihilo patri erga
religionem melior, omnem cōmisit abo-
minationem. Baalis simulacrum coluit, & Be-
elzebub dæmoniorum principem, si quisquā
regum impiorum impie vixerit, hunc fuisse
puto. Nam etiam ab ipso vate monitus, quan-
ta maneret ipsum pœna nusquam respuit an-
no decimo septimo Iosaphati regis Iudæ im-
perium accepit, & biennium regnavit inter Is-
raelitas. Cum Moabitæ (vt & temporalē susti-
neret pœnam) subita defectione annum tri-
butum, scil. trecenta ovium millia intōsa dare
soliti abnegassent, in medio belli apparatu per
scalas decidit. Quū v. modica spe vitā traheret,

Acharonem misit, qui ex vano quodam gentis oraculo sciscitaretur, an ex eo lapsu esset recaliturus. Is qui missi fuerant, Helias angeli hortatu progressus obuiam monuit, imple facere Ochoziam, qui alienam superstitionem secutus, dæmonum imploraret præstigias, vnde regi nunciarent futurum, vt non multo post vitam cum morte mutaret. Hic commotus Ochozias petiit, quis esset is, à quo illud responsum accepissent, dixerunt legati, nescire se, habitum autem descripserunt, hirsuto corpore & scortea percinctum hominem, sensit tum Ochozias, Heliam esse, misit que ad eum tribunalum cum militum dimidia centuria, qui si venire ad se recusasset, vel inuitum traherent. Repertus est propheta sedens in monte, miraculose iussus ad Regis conspectum properare, miraculo contigisse aiunt, vt cœlesti flamma tribunus, & qui cum eo fuerunt, continuo sint absorpti. Ac similem cladem expertos, qui secundo deinceps loco à Rege venerant. A postremis mitius appellatus in urbem venit. Hic Ochoziam coram instituit, quæ de ipsius interitu cognouerat. Nec Ochozias multum interfuit, sed ex Prophetæ dictis mortuus est. In

cuius locum, cum sobole careret,

Ioras frater successus

est.

DE

DE OCHOZIA.

EPIGRAMMA.

*Demonis auxilium quesuit numine spreto,
 Impietate malus mortuus inde sua
 Impietate viro nulli fuit ille secundus
 Omnigeni princeps flagitiiq, fuit.*

DE IORA, REGE VIII,

impio.

Ioras filius Iosaphati primogenitus, Rex Iuda; de Ioramo Rege Israelis, auunculo suo nominatus, degener, impius, infelix. Omnes fratres suos, vt imperio solus potiretur interemit, & multos primates patris sui consiliarios trucidauit. Imperio præfuit anno mudi 3047. Triginta duorum annorum fuit cum gubernacula imperii teneret, duxit Gothiliam filiam Achabi, scæminam supra sexum crudelem atq; furiosam, in cuius vestigiis vt improbus ambulauit imperator. Et nisi Dominus perpetuam lucernam domui Dauidicæ promississet, hunc regem cum omni posteritate deleuisset. Edomitæ noluerunt eius imperio subiici. Quare transiens Iordanem apparatu bellico illos proffigauit & duces eorum. Illi tamen hac clade nihilo obedientiores, quinimo rebeliores quam antea euasere, neque Imperio Iudæ villo

P. 5. modo

modo volebant tributum exsoluere. Defecit à Deo, & excelsa in vrbibus Iudæ ad imitationē loceri condidit, atque multos peregrinos, & Idololatricos induxit ritus. Nō potuit Numen crassissima diutius perferre scelera. Itaq; missis literis per Heliā admonitus est, quoniā omnibus aliis ante se regibus nequior esset, quin etiā fratres meliores se occidisset, euenturum, vt à Numine puniatur atrocissime, vxores n. filios, & omnes eius facultates direptum iri, & ipsum lēta tabe consumendū, donec scelerum admilforum pœnā lueret. At is Prophetæ literis tam acerbe obiurgatus, non solum non melior, sed more ingenii humani, magis insolētiōr factus est, rex nimirum aduersus virum humilem, & imperare suetus, nihil curās religionis Doctorem. Quapropter vt omnia vatis oracula complerentur, suscitauit Dominus contra Ioramū Philistæos, & Arabes, qui depopulati terram Iudæ omnes eius fines diripuerunt, omnemq; substantiam, insuper filios eius & vxores. Nec illi filius præter Ioachā, qui minimus natu superstes mansit. Præterea grauissimum dolore ipse languore alui expertus est, idq; sensim: nā biennium intolerabili tabe consumptus est, egressit viscera vitalia vt moreretur, quo mortuo non celebrauit populus more aliorum regum eius exequias. Sepultus quidem est Hierosolymæ, sed non in regis monumentis, octo tantū annos potitus est imperio, natus vero quadraginta annos mortuus est.

DE

DE IORA,
EPIGRAMMA.

*Occidit fratres Ioras Rex improbus omnes,
Imperio solus posset ut esse suo.*

*Achabi duxit natam, qua numine mentem
Avertit, venerans Hierobaq, Deos.*

*Philistae natos, uxores, cuncta tulerunt,
Captiuos, scelerum poena secuta grauis.*

DE IOACHA, REGE IX.
impio.

Ioachas filius Hieu, Rex Israelis, vicefimo tertio anno Ioas, filii Ochozia, regis Iudæ, ad regni moderationem peruenit, Hierobaë mores secutus est. Quare furor Numinis grauius in illum incensus, nam tradidit eum in manus Azahelis regis Syriæ, & in manum Benadabi filii Azahelis cunctis diebus. Orauit tamen Ioachas, ut ex captiuitate liberaretur. Quod factum est, nam seruatorem qui è captiuitate educeret, dedit. Neque tamen ille ab Hierobaë Idololatriæ ritu destitit. Sed ut prius, eam religionem profequi cœpit, siquidem lucos non destruxit Samariæ. Omnium ante se regum fuit infelicissimus. Nam armis Syriacis ita attritus fuit, ut non ultra quinquaginta equites: & ex omni flore iuuentutis ac populo potentissimo ultra decem peditum millia posset armare amplius.

Decem

Decem & septem annis regnavit Samariæ, vir
omnis pietatis & honestatis osor, improbissi-
mus tandem è vita migrans sepultus est à suis
Samariæ, & filium Ioam imperio reliquit.

DE IOACHA,

EPIGRAMMA,

*Flagitio simili vixit, statuasq; boniles
Hic coluit, scelerum grandis ES ansa fuit.
Captivus quanquam sit libertate positus
Numinis auxilio, is tamen ecce malus.*

DE PHACEIA, REGE X.
impio.

PHaceias quinquagesimo anno Azariæ, Re-
gis Iudæ imperii habenas sortitus est, vir
tristi ingenio & moribus efferatis, omnique
nequitia cumulatissimus, filius Manahen ty-
ranni immanissimi, & Regis Israelis, non reced-
sit ab Idolatria Hieroboæ, sed in iisdem ritibus
perseveravit. Vnus igitur ex eius optimatibus,
Peca nomine, qui à rege tertius censebatur,
turrim domus regis iuxta Argos in Samaria,
cum coniuratis duobus ingressus, & locum
munitissimum adiens, & sine suspitione ad-
missus, regem in suo conclavi ense traiecit, &
cum eo quinquaginta viros ex filiis Galaadita-
rum

rum necavit. Duos annos Imperium obtinuit
Samarizæ, eo indignissimus.

DE PHACEIA,

EPIGRAMMA,

*Vt prior Hieroboa veneratus signa Iuvenentum,
Ductoris propriis casus & ille dolo.*

DE ACHAZO, REGE XI.

impio.

A Chazus, qui & Achamus, agens annum
vigesimalium imperium Iudæ consequutus
est, filius Iothami, pii regis Iudæ, longe diuer-
sus à patris instituto vixit. Omnium enim re-
ligionum & cultuum externorum fuit imita-
tor insipiens, more Moabitico, filium igne
cremavit: ritu Syriaco aram maximam fecit:
exemplo Philistinorum statuas Baali erexit: &
sub omni loco virenti altaribus constructis
thus cremavit. Non diu autem gerens impe-
rium debitas expendit pœnas. Bello à Rasino
Syriæ, & Phaceia Samarizæ, regibus illi orto.
Hi iuncta inter se societate, illum aliquandiu
Herosolymis arcta obsidione presserunt, vr-
bibus interim plerisque ex eo captis, direptis
& incensis, atque in his Athilacha Erithræo
mari adiecta, antiquis cultoribus casis novos
Rasinus Syriæ Rex induxit colonos. Vrbs re-
gia

gia cum valde munita esset, capi non potuit, cuius potiunda spe abiecta hostes soluta obfisione diuersi in suum vterque redierunt imperium. Tum Achazus scelerum futuris agitatus omnem vltionis iram detorsit. Valido itaq; exercitu ad bellum instructo, Samaritani regni fines hostiliter adortus, Phateiam ad arma copulit nec ita multi præteriere dies, quibus cruenta acie Achazus ab hoste victus, centum triginta hominum millia amisit, & in his Maasã filium iuuenem impigrum, & Ezricam ducem domus regiã, dein Helchanam secundum à Rege. Ceperunt quoque Israelitæ ducenta (in hac pugna) millia mulierũ, puellarum & puerorum. Cæterum Odidã monitu Prophete Phaccias captiuos domum remisit. Nec Achazus (licet victus) quieuit, sed reparando bello intentus in Assyriam ad regem Thada Sapharum suos misit, qui magnis illum corrumperent muneribus, vt in societatem belli veniret. Nec Assyrius postulata obruit, ictoque cum Achazanis fœdere, Syriam hostiliter inuadit, agrum populatur, Damascum expugnat Rasi-mumque in suam potestatem redactum, obruncat. Inde Samariã fines ingressus subita excursione ingentem hominum multitudinẽ in agris opprimit, captiuos multos cum Damascenis ad hoc ipsum seruatis, in superiorem Mediam transtulit. Achazus aurum, quod cũ Assyrio per legatos fuerat pactus, bona fide perfol-

perfoluit. Inde eo furoris processit, vt augustissimum Dei templum claudi iusserit, inhiberique sacra fieri. Deos vero alienos accersiuit, & Idola in vrbe sacra statuit, araque in templo Dei euersa, Regi Assyriae gratulatus, similem Damascenae construxit. Omnis impietatis contumax auctor, cuiusuis nouitatis stultus executor, hoc vno felix quod Ezechiã reliquit filium, cui etiam moriens regnum tradidit. Sepultus est Hierosolymae, sed non in regis monumentis, cum vixisset sex & triginta annos, regnassetque annis sedecim; & honore & luce ista indignus.

DE ACHAZO,

EPIGRAMMA,

*Obtulit & sobolem Molochi perfidus igni
Quare perpeffus plurima ab hoste mala.
Peruetuit templo celebrari festa recluso,
Omnia contempfit dogmata sacra Dei.*

DE SEDECHIA, REGE XII.
impio.

Sedechias qui & Mathathias, Regis Ioachim pater, cuius mater Amithel filia Hieremix Lobnaensis fuit. vir instabilis nequitiae, nascitur anno mundi 3365. annũ agens vigesimum primũ, Nabuchodonosor Ioachimũ regem Iudae cum matre & necessariis omnibus, prater hunc Sedechiam quem Regem consti-

constituit, in Babylonem traduxit: Mansit ergo octo annos in fœdere, postea homo sua sponte leuis, paucorum consilium secutus ab Assyrii ad Ægyptios defecit, Hieremia Hierosolymis, & Ezechiele, qui tamen in Babylonia cum aliis seruiēbat, vr̄bis & regni excidium prædicentibus. Rex Babyloniū hostis Sedechiæ perfidiam vlturus maximo cum exercitu Syriam ingressus, præcipuā regni partem ferro & igni deuastauit. Et iam castra Hierosolymis admouerat, quum Ægyptiorum bellicus apparatus aduentaret, Assyrius soluta obsidione hosti obuiam processit, quem prælio superatum finibus Syriæ expulit. Persuasam habuit Sedechias, & qui illi in inuidiam Hieremiæ adulabantur, hostem ad osidionem non rediturum. Sed prædicente Hieremia cæpta est iterum vr̄bs obsideri, hæsitque hostis manibus duodeuiginti menses.

Præmebant autem duo inoportuni hostes ciuitatem fames & pestilentia, oppugnabatur ergo vr̄bs agḡribus bellicisque machinis. Res per regios præfectos impigre gerebatur. tandem post multos hinc inde exhaustos labores vr̄bs noctu capta est. Sedechias vbi hostem intra mœnia sensit, ab eoque iam templum teneri, cum vxoribus, liberis, & amicorum plerisque intempestæ noctis vsus beneficio vr̄bem clandestinæ egressus est, & in deserto absconditam meditatus fugam. Hostium duces

per

per dedititios Sedechę fuga cognita, expeditos equites, vbi illuxit, ad eum è vestigio persequendũ misere. Et iam aliquid confecerat itineris, confusus fore vt cum iuis turus effugeret. Ecce de improviso frementes insequuntur hostes, & regem à suis desertum comprehendunt, Rex cum liberis & vxoribus capitur. Inde ad Regem perductus ingratitude primo & perfidię redargutus, quod regnum beneficio adeptus ad hostes contra fœdus & iura defecisset, mox vt dirum secum spectaculum ferret, iussit Victor Assyrius, filios & cognatos coram eius intuitu interfici. Ipsum iniectis catenis luminibus priuauit, Babylonemq; ad perpetuam traduxit custodiam. Vndecim regnauit annis Hierosolymis. Sic nobilitate fere omni ferro extincta, libertas omni populo adempta fuit. Templum, regia vrbs, igne à Nebuzardano Imperatoris Præfecto succensa, turres & mœnia complanata, regia domo florentissima in potestatem barbaram redacta. Rex cœcatus, in carcere mortem obiit, Iudæ Rex postremus & miserrimus. Duraueratque regnum à Rehabeamo Solomonis filio, vsq; ad Zedechiæ exilium annos trecentos nonaginta quatuor, menses sex, dies sedecim: cuius vastitatem multi prophetæ denunciabant: in primis Ieremias & Ezechiel, ille præsens non interposito silentio hic absens, missis etiam è Babylone literis, quo captiuum deducturum

Q regem

regem Ieremias prædixit, non visurum Ezechiel narravit: Ac sane euentus vaticinio respondit. Cum enim visu orbatu esset, non vidit, quamuis esset in urbem introductus. Est autem illa calamitas plurimis verbis & sæpius regi & populo significata, ne quis suæ impietatis & incredulitatis ullam excusationem inueniret.

DE SEDECHIA,

EPIGRAMMA,

*Successit patrio captivo Rex Sedechias
Perfidus & vanus, parvus, inanis homo.
Hostis perfidiam rex ultus, lamina raptat,
Et natis casus coniugibusq; prius.*

DVO.

